



Jačanje Integriteta u procesu kreiranja listi lijekova u BiH

Podrška unapređenju zdravstvene zaštite u BiH kroz poboljšanje transparentnosti i jačanje integriteta procesa koji se tiču osiguranja dostupnosti lijekova finansiranih iz javnih fondova.



Šta?

Projekat 'Jačanje integriteta u procesu kreiranja listi lijekova u BiH' ima za cilj poboljšanje transparentnosti i jačanje integriteta u procesima koji se tiču osiguranja dostupnosti lijekova finansiranih iz javnih fondova. Željeni rezultat projekta je da pacijenti u BiH imaju na raspolaganju lijekove koji im pružaju najveću moguću zdravstvenu korist u odnosu na dostupna javna sredstva.

Zašto?

Prognoze budućeg finansiranja i održivosti zdravstvenih sistema u BiH ukazuju na dalje usložnjavanje problema između ostalog i uslijed sporog ekonomskog razvoja zemlje i pojačanog iseljavanja radno sposobnog stanovništva. Ovi trendovi dovest će do još većeg disbalansa između mogućnosti zdravstvenog sistema i potreba i očekivanja osiguranika. Samim tim upitno je da li zdravstveni sistemi u BiH imaju potrebne kapacitete, spremnost i osposobljenost da odgovore izazovima brzog napretka medicine u smislu bolje dijagnostike i mogućnosti izliječenja pacijenata. Realno je očekivati da će u budućnosti porast potreba pacijenata i teškoće sistema da pruži adekvatan odgovor na njih, uticati na povećanje nezadovoljstva pacijenata i zdravstvenih profesionalaca što će u mnogome doprinijeti i jačanju negativne atmosfere u cijelom društvu. Zbog toga je neophodno unaprijediti procese iz ugla transparentnosti i integriteta što je i cilj projekta, te iste dovesti u saglasnost sa najboljim praksama u svijetu i regionu. Na ovaj način bi se osiguralo da se sredstva dostupna za lijekove troše racionalnije i adekvatnije. Ovo je prvi neophodni korak u kreiranju strategija za zadovoljenje potreba najvećeg broja korisnika zdravstvenog sistema.

Stanje?

Organizacija, finansiranje i pružanje zdravstvene zaštite u Bosni i Hercegovini predstavljaju odgovornost entiteta, deset kantona u Federaciji BiH i Distrikta Brčko stoga se sistem zdravstva u BiH sastoji od 13 „pod sistema“. Iako Vijeće ministara BiH ima obavezu da najmanje svake dvije godine utvrđuje esencijalnu listu lijekova, BiH je do danas jedina evropska zemlja bez esencijalne liste lijekova jedinstvene za čitavu zemlju. Federacija BiH, Republika Srpska i Distrikt Brčko kreiraju liste lijekova u skladu sa dostupnim javnim sredstvima. Čitav proces kreiranja listi lijekova je prije svega nedovoljno transparentan, pa je stoga teško procijeniti efikasnost procesa, adekvatnost alociranja javnih sredstava, stručnost i integritet uključenih aktera kao i utvrditi da li za dostupna sredstva osiguranici dobijaju najbolju moguću zdravstvenu njegu i najpotrebnije i najadekvatnije lijekove. Veliki dio procesa ostaje u sjeni pa tako nevladin sektor i stručna javnost nemaju mogućnost uvida u proces, a samim tim ni mogućnost pozivanja na odgovornost za postupke koji nisu u najboljem interesu osiguranika.

Jačanje Integriteta u procesu kreiranja listi lijekova u BiH

IMPLEMENTACIJA

Net Consulting d.o.o. Sarajevo

FINANSIRANJE

Vlada Švicarske
Roche d.o.o. - Roche Ltd.
Udruženje inovativnih
proizvođača lijekova u BiH

TRAJANJE

01.09.2020. - 01.09.2024.

LOKACIJA

Projektne aktivnosti provode se u Bosni i Hercegovini, tačnije na nivou Federacije BiH, Republike Srpske i Brčko Distrikta



KOMPONENTA 1

Podrška institucijama iz oblasti zdravstva u dostizanju standarda integriteta za provođenje kredibilnog i transparentnog procesa kreiranja listi lijekova koji se koriste u pružanju zdravstvene zaštite

OČEKIVANI REZULTATI

I

Unaprijeđena regulativa za stavljanje lijekova na liste lijekova u skladu sa najvišim standardima transparentnosti, etike i dobrim kliničkim praksama.

II

Unaprijeđeni kapaciteti učesnika u procesima donošenja odluka vezanih za liste lijekova

III

Identifikovana moguća rješenja za povećanje i realokaciju budžeta za lijekove.

AKTIVNOSTI

I

- Izrada dokumenta najbolje svjetske prakse i komparativna analiza svjetskih, BH i regionalnih praksi i usaglašavanje principa
- Organizacija dva strateška foruma na temu "Ethics & Compliance & Transparency u procesima finansiranja lijekova iz javnih izvora"
- Izrada dokumenta „Presjek stanja i moguća rješenja za unapređenje regulative u procesu stavljanja lijekova na liste u FBiH, RS i BD“
- Izrada prijedloga za izmjenu regulative

II

- Izrada smjernica za izradu etičkog kodeksa za članove komisije za stavljanje lijekova na liste lijekova.
- Održavanje radnih sastanaka sa članovima komisije za lijekove FBiH, RS i BD (smjernice vezane za izradu kodeksa)
- Izrada nacрта kodeksa
- Edukacija članova komisija o pravilima rada i etičkim principima kao i specifične stručno naučne edukacije vezane za pravilno i adekvatno tumačenje naučnih dokaza koji dokazuju neophodnost primjene određenog lijeka

III

- Komunikacija sa relevantnim stručnjacima, usaglašavanje principa i izrada dokumenta "Moguća rješenja za povećanje i/ili realokaciju budžeta za lijekove u FBiH, RS i BD"
- Organizacija okruglog stola sa stakeholderima gdje će eksperti iz relevantne struke govoriti o mogućim rješenjima za povećanje i/ili realokaciju budžeta za lijekove u FBiH, RS i BD



Kako?

KOMPONENTA 2

Podrška pacijentima i drugim relevantnim akterima u podizanju svijesti i razumijevanju njihovih prava i jačanje kapaciteta za javno zagovaranje i učešće u procesima kreiranja listi lijekova

OČEKIVANI REZULTATI

I

Povećani kapaciteti udruženja pacijenata za učešće u procesima donošenja odluka o listama lijekova.

II

Podržano formulisanje zajedničkih interesa udruženja pacijenata i načina njihove saradnje s ciljem predstavljanja interesa pacijenata i učešća u donošenju odluka vezano za liste lijekova.

III

Povećana informisanost pacijenata i šire javnosti o procesu kreiranja lista lijekova i njihovim pravima.

AKTIVNOSTI

I

- Organizacija sastanaka sa udruženjima pacijenata FBiH, RS i BD
- Dvodnevni seminar za predstavnike udruženja pacijenata

II

- Sastanci radne grupe i izrada poslovnika o radu novoformirane mreže udruženja pacijenata
- Organizacija događaja vezano za formiranje mreže i usvajanje poslovnika, organa i tijela mreže
- Redovni sastanci mreže udruženja pacijenata

III

- Izrada i održavanje web stranice projekta
- Objavljivanje tematskih tekstova
- Početno i završno istraživanje znanja i zadovoljstva pacijenata vezano za proces formiranja liste lijekova

Kontakt?

Projekat implementira Net Consulting d.o.o. iz Sarajeva, specijalizovan u oblasti javne i privatne korporativne etike i usklađenosti postupanja, uz partnerstvo i podršku Švicarske vlade, kompanije Roche d.o.o. - Roche Ltd. i Udruženja inovativnih proizvođača lijekova u BiH.

Partneri su posvećeni razvoju transparentnosti poslovanja, promociji visokih etičkih standarda i posvećenosti poslovanja koje je usklađeno sa svim domaćim i međunarodnim propisima, najboljim praksama i otvoreni su za širenje partnerstva na ovim principima sa svim drugim zainteresovanim akterima u Bosni i Hercegovini.

Net Consulting d.o.o.

Augusta Brauna 12
71000 Sarajevo



+387 33 842 936



info@pravonalijek.ba



www.pravonalijek.ba

